



**R.P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère

Mogvntiæ, 1617

Cap. 17. De maleficio,

[urn:nbn:de:hbz:466:1-78332](#)

tantum modo vanitas) sicut mortale est expectare à fato vel ab aliis, ut pote superfluos, repugnans veræ religionis. Tertia conditio est reuerenter; ne scilicet irreuerenter consulatur Deus, vel cum aliquo abuso rerum sacrarum; ut reliquiarum, vel sacræ Scripturæ; assumendo eas ad decisionem negotiorum temporalium: qui abusus reprehenditur 26. quæst. 2. cap. II. qui. Vt autem sit peccatum mortale, irreuerentia notabilis esse debet: alioquin ex levitate materiae censetur veniale. Quarta est, debita materia: ne scilicet pro electionibus spiritualibus fortes afflumantur. Cuiuscumque enim generis fortes rei ciuii prorsus debent in Ecclesiastis electionibus, ex cap. finali. De fortis legiis.

Septimum documentum esse potest quod habet Caiet de forte diuisoria (qua determinatur quid ab hoc vel illo habendum sit boni, aut patiendum mali in temporalibus) etiam illicitam esse dupliceiter. Primo, si imprudenter fiat: quia omnis actus humanus prudenti circumspetione & ratione formari debet. Secundo, si cum periculo communis boni, aut laesione proximi fiat. Illi enim inter quos mittuntur sortes, æquum ius habere debent, alioqui erit iniustitia, præseritum quando agitur de bono publico: vt si inter dignos & indignos mittuntur fortes pro officiis publicis obtinendis; quia fors cadere potest super indignum. Esse autem mortali est illico, iudicatur ex eo: quod contra iustitiam, proximo vel bono communis prædicendum adferat notabile. Potest etiam iudicari ex eo, quod sit contra religionem, & in duas rationes consultoria, si mittitur ad exquirendam Dei voluntatem, modo extraordinario, non feruatis quatuor conditionibus ante propofitis. Secus autem quando principalis intentio eam mittentis, est vt auferantur lites, querelæ, & iniuriae, iuxta illud Prou. 18. Contradicitiones comprimuntur & interpotentes quoque diuiduntur. Tunc enim si aduersint conditions contraria à Caiet traditis licet est tam in rebus ciuilibus, ex lege. Si duobus, Cod. Communis. Delegatis; quam in Ecclesiasticis: vt patet ex iis quæ D. Thomas in corpore citati art. 8. sub finem habet. Qui & addit in solutione tertij argumenti: perinde ac fortes, damnandum esse iudicium ferri carentis ac feruentis aquæ (adde & duelli) quibus perinde ac illis tentatur Deus: vnde prohibentur etiam ab Ecclesia, a. quæst. 4. cap. Consululti, & cap. Monachiam.

CAPUT XVII.

De maleficio.

SUMMARIUM.

- 175 Definitio maleficii.
- 176 Euifem d' uifo.
- 177 Peccatum est grauiissimum.
- 178 Tres caue, ob quas diabolus inducit maleficos ad vredam rebus sacris ad maleficium.
- 179 Quomodo malefici possint, vel non possint nocere viris bo-
- 180 Remedium aduersu malefici sunt triplicia, & de naturali- bus quid tenendum sit.
- 181 Quid de diabolico.
- 182 Nullo modo liceat in uno maleficio in remedium alterius.
- 183 Remedium diuina catena omisum usurpanda.
- 184 Causa propter quas non omnes maleficiati per talia cur- rentur.

ACTENVS perfecuti sumus quæ pertinent ad duas primas species magia generaliter dictæ, ter- tia quæ sequitur vocatur maleficium aut faci- num. De quo docendum est primo, quid & quo- triplex sit. Secundo, quale peccatum sit. Tertio, quæ sint remedia aduersus maleficia.

Quid & quotuplex sit maleficium:

SECTIO I.

Definiiri potest maleficium, superfluo quia quis alteri nocet virtute dæmonis. In qua definitione, superfluo ostendit illud in quo maleficium conuenit cum aliis specie- bus magia: sicut & quod sequitur, qua alteri nocet, ostendit

id in quo separatur ab illidem: quia non sunt complicitæ ad nocendum alii, sed ad captandum inanem opinionem hominum.

Additum vero, ut tuu de bonis, ut intelligamus maleficium non nocere per se, sed opera dæmonis; cum quo maleficus habeat pactum tacitum vel expreßum. Signum autem quo maleficus ipse vitetur, ut dæmon nocet alii, dicitur quoque maleficium: & iij quibus nocet & vocatur maleficiis, vnde ex- trat in decretalib. titulus, De frigidis & maleficiatis.

Duplex autem est maleficium: quorum unum dicitur a- matiorum, cuius exemplum habet D. Hieron. in vita S. Hi- larionis; & est, quo homines excitantur ad amorem & maxime ad impudicum, quod fit per filtrum. Et quamvis dæmon ex le non possit mouere aut cogere voluntatem ad amandum excitare tamen potest tribus modis. Primo quidem, mouendo imaginatiōne, repreſentandoque illi varijsphantas, atque inducentia ad amorem. Secundo, adhucendo multas causas naturales que faciunt res apparet pulchiores quam sibi, & regunt turpitudinem perstringendo oculos, illudendoque sensibus. Tertio, mouendo sensuum appetitum concupiscentiale, in quem magnam habet vim, propter originale peccatum. Nec tamē propterea excusatitur a peccato quilibet scilicet pater amanti, cum facile possint diabolo resistere, atque a tali maleficio esse liberi, si per deuotias preces & pia opera ad Deum configurarentur. Alterum vero maleficium dicitur vniuersale: & est quo opera diaboli, nocet quis alteri in sua, vel suorum persona; inferendo nimis mortem vel morbos, vel dolorē aliquem. Aut etiam in suis bonis ac rebus externis, id est in iumentis, pecoribus, vineis, fructibus, &c. Quod fieri potest vel a maleficio, adhucendo causas naturales ut venena, vel a diabolo, sic ut maleficus adhuc beat solum signa superflutiosas quibus videtur face- re, quod non ipse, sed diabolus facit.

Cum autem dæmon omni tempore velit & tenet hominibus nocere, nec id omittat cum ei permititur a Deo: li- bentiū peruersam illam voluntatem exequitur per alios homines, quam per seipsum tribus de causis. Prima est, ut pluribus & frequentius noceat; multa enim dæmon potest per homines, quæ non potest per se facere. Nam per magos reficit Moysi Exod. 7. & 8. & Apostolis Actorum 8. & 13. & quotidie per homines excitat multas heres, aliaque facit quæ per se ipsum facere non posset. Sic enim per maleficos sepe abutitur rebus sacris illis que inferi iniuriam, quod non posset per seipsum facere; sicut & per malos homines, Christo multas iniurias atque adeo mortem intulit, quod per seipsum facere non potuit. Secunda causa est, quod plures & faciliter decipiuntur, quando agit per alios homines: propterea quod omnes diabolus ipsum malum esse sciunt, abhorrentque naturaliter ab illius confortio. Tertia est, quod ea ratione maiorem Deo iniuriam inferat dum abutitur hominibus quos condidit ad imaginem suam, & prefert dum illis, qui ei per baptismum consecrati sunt.

Quale peccatum sit maleficium.

SECTIO II.

Grauissimum peccatum est maleficium cum includat pactum tacitum vel expreßum cum diabolo: & sapientia habeat coniunctionem apostolam, vel hereticum, & iniustitiam, ac etiam sacrilegum. Apostolam quidem cum maleficius ex animo renunciaverit fideli: hereticum vero, cum adorauerit dæmonem putans ei conuenire aliquam Dei proprietatem: aut Sanctos, vel res sacras nullius momenti esse existimauerit, aut illis virtutem inesse ad effectus malos, quibus ipse dat operam. Iniustitiam autem cum maleficius damnum proximo intulerit in persona sua propria, sua etiam aliena coniuncta, ut in uxore, filiis, &c. vel in ipsis rebus seu bonis externis: quo casu tencetur ad restitutionem damni illati: sua per se, sua per causas naturales, sua virtute dæmonis illud intulerit: sive que homicidium sit efficitur irregularis, & omnes poenas homicidae incurrit. Vnde Confessarius debet diligens esse in inquirendis maleficij circumstantiis. Sacrilegium denique, cum maleficus ipse ad maleficium abusus fuerit rebus sacris; ut Eucharistia, aqua benedicta, & aliis quibus nulli magorum quam malefici frequentius abutuntur.

177.

Quos

178.

Quos diabolus videtur ad id inducere tribus de causis. Prima est, ut illos faciat non tantum magos, sed etiam sacrilegos. Secunda, ut quo grauius peccant, eo plura Deus ipsi permittat in illis, & in alios homines, qui occasione illorum peccat. Fit enim ut huiusmodi nefanda scelerata, ille plurib. nocet, quibus alioqui nocere non posset; præsternit ipsis qui maleficos ipsos recipiunt, vel commandant, vel souuent, vel non admonent, vel non puniunt, cum id facere possint & tenentur. Tertia causa est, ut plures eo modo decipiatur, quia illis qui aliquid rebus ipsis sacris tribuant, persuadet tales esse. Et non heri diabolica superstitione, sed potius diuina virtute, cum sicut per res sacras. Illis vero qui parum tribuant rebus sacris, persuadet ut eos omnino contemnant.

179.

Si queretas an malefici nocere possint viris bonis. Respondet, quod quando illi videntur causis naturalibus ad nocendum, ut venenis, possint sine dubio quibuslibet hominibus nocere. Est: tamen miraculum si causa naturalis, effectum suum non fortificetur, nullo alio interveniente impedimentoo, quam quod a Deo suspenderetur. Quando vero ipsimet non agunt sed Diabolos, tunc bonis raro nocent; nec id faciunt nisi Deo permittente propter manus bonum eorum qui patiuntur.

Solent quoque malefici (noctu præsternit, qua ratione striges & lamiae vocantur) nocere infantibus, etiam ipsis qui iam baptizati sunt: ut notat D. Augustinus in lib. 21. De cunctis Dei cap. 14. quamus non tam nocant infantibus, qui si intereant statim adipiscuntur virtutem æternam, ut ibidem addit D. Augustinus, quam parentibus ipsorum, ad quorum punienda peccata, vel probandam fidem, Deus id permittit: & interdum quia infantes ipsis à nutricibus venientibus diabolo offeruntur.

Quæ sunt remedia aduersus maleficia.

SECTIO III.

180.

Triplicis generis remedia aduersus maleficia adhiberi solent: quadam naturalia, ut quæ petuntur ex herbis & pharmacis medicoram: quadam diabolica, ut quæ petuntur a maleficiis, vel potius a diabolos & quadam supernaturalia ac diuina quæ petuntur a Deo, de quibus ordine dicendum est. De primi generis igitur remediis recte statuere videtur Angelus in verbo Superstitione, quæst. 6. lapides, herbas, & medicinas naturales nihil efficaciter posse efficer direxte, & proxime contra dæmonem: quia res corporis non habent vim agentem in spiritum: posse tamen consequenter & indirecte efficere aliquid: impediendo nimis, ut auferendo dispositionem, quia in maleficio dæmon virtutem ad perficie dum maleficium, ut a ciuius humoris intemperie, ad ingenerandum languorem corporis.

181.

De cuiusmoxi remediis duo occurunt mouenda. Prius est, illorum vium approbari, 26. quæst. 7. cap. finali, dummodo nullam incantationem aut superstitionem habeant annexam. Id quod cognoscere poterit ipsis modis quæ ante in cap. 15. a num. 157. traditi sunt cognoscendi pactum tacitum cum dæmoni. Posterior est, si maleficium consilist in operatione dæmonis, talia remedia posse quidem remittere illud aliquatenus, non tamen tollere omnino: quia si Deus permititat, facile est dæmoni illorum efficacitatem impidere, siue ea corrumperendo, siue eis resistendo adhibitis contrariis. Si in maleficium consistit in effectu permanente ad instar vulgaris infestis, aduersus illud remedia naturalia possunt perinde valere, as si ipsum pederet a causa naturali. Unde ex ea parte proprium est medicorum de illis remedii statuere.

De remedio secundi generis, hoc est, diabolico: Notandum est primo: sicut non est licitum uti arte magica siue per se, siue per alium, ad curationem morbi orti a causis naturalibus (siquidem ut probat Thom. Sanctus in lib. 7. de Matrimonio disput. 95. num. 1. intrinsecè malum est auxilium diabolo petere per maleficium) ita nec licitum est uti ad curare in morbi per maleficium causati. Nam ratio deformitatis eadem est in utraque curatione: cum omnia paria sint in utraque, excepta diversitate cause, à qua oritur morbus curandus. Quæ diversitas non est circumstantia moralis, ex qua deformitas ipsa curationis pendeat, ut satis manifestum est.

Notandum est secundo, licitum esse cuius, destruere si-

gnum superstitionis positum à maleficio, vicinumque illud citur esse: tum quia bonum est, ac cuique licitum, in contemptu diaboli opera ipsius dissoluere, & ne noceat impendire, ut patet à simili: quia id perinde est, ac si quis pactus esset cum sicario ut apposito ad fore Petri certi signo, eas effringat ac domum ingressus eundem Petrum male mulcere: quod quicunque, non modo posset licite, sed etiam debet ex charitate signum eiusmodi tollere. Tum quia, cur talis destructione sit illicita, non potest alia ratio reddi; quam vel quod sit quædam inuocatio de nonis, vel pactum quoddam cum eo. At neutrum est, non quidem de se, cum ratione habeat auerisio ab operatione diaboli; neque ex intentione destruentis, ut supponimus. Nam qui id faceret animo superstitionis non ex iure aretur: ut si quid vñlparcat, per quod poteret diaboli fauorem esse: aut ex destructione signi non expectet putram docuementi cessationem, sed etiam positivam actionem dæmonis, siue illius qui nocet, sive alterius potentioris, à quo impeditur nocere: aut demum utatur medio de quo dubitat an tacitam demonis inuocationem contineat. Pro hac doctrina, authores commemorant Sanchez in seq. disput. 96. num. 3. & rationes quibus impugnari potest ibid. num. 6. solvit. Idem facit Leon. Lessius De iust. & iur. lib. 2. cap. 4. dub. 6. quibus accedit Suarez in tom. 1. De relig. tract. 3. lib. 2. cap. 17. a num. 9. usque ad finem.

Notandum est tertio, quod ibidem L. Slius num. 45. & Suarez num. 16. atque alii citatis Sanchez in opere moralib. 2. cap. 41. in fine, docent non solum esse licitum tollere signa magica, sed etiam ponere alia, quibus positis vel pactum diabolicum destruitur, vel signa illius, vim suam amittunt, vel diabolus nocere definit. Ratio est, quod id non sit inire nouum pactum, sed destruere aut impidire prius initum, ut diabolus definiat nocere. Ad quod uti re de se bona vel indifferentia, cuiusmodi supponimus esse illa alia signa, ex bono fine, qualis est curatio languidi, bonum est, nisi id ipsum vitetur alia circumstantia malat qualis est, si adhiberetur per modum declarationis amicitiae, aut suuinitiosis vel depreciationis: cum non licet villam societatem inire cum dæmoni, iuxta illud 2. Corinth. 6. Quæ conuento Christi ad Belial? Nec se submittere ei, eumve deprecari ob obtinendum ab eo auxilium: quod est necesse eum preferre Deo: ut indicatur per illud quarti Regum cap. 1. Nunguid non est Deus in Israël, ut eatis ad confundendum Bel'ebub: &c.] Eum, inquit, qui hostis noster est, à quo bonum corporis exspectari non potest, nisi in anima perniciem. Si obijicias in memorato uti, effe etum exspectari à dæmons. Respondet, non exspectari possum uti, quod est inutriuerosum Deo iuxta iud Psal. 123. A diutorium nostrum in nomine Domini, qui fecit coelum & terram: sed solum cessationem a malo, qui licet potest etiā à dæmoni peti, non quidem per modum depreciationis, sed per modum obijicationis & contemptus, imperando ei in nomine Dei, ut cruenta bestia ac miserabilis malefacie ceteret. Procedit autem hæc doctrina ut Sanchez loco cit. nu. 21. notat etiam si maleficium sublatum, in maleficium aut aliquem ali. am redundare deberet, iuxta pactum ab eodem maleficio initum cum dæmoni: quoniam auferendo tale signum non cooperatur ad alienum dannum, sed solum se tuerit ablati sibi inoccidente, nec iniuriam facit postponendo alienum damnum suo proprio, quia non cauitat illud eo ipso.

Notandum est quarto, licitum esse petere à maleficio ut signum superstitionis in quo maleficium consistit, indicari, & auferat dummodo possit tollere absque novo maleficio: ac petens sit ea mente & voluntate, ut desideret suam petitionem impliri licito modo, nihilque velit habere cum diabolo communem, nec vlla ratione ut eius opera; sed tantum illa humana actione auferendi, quam quilibet alias ex qui posset sine peccato. Quæ doctrina est Caet. in verbo Mag. lefciuum in fine: quam in tom. 2. opus. tra. 12. docet non habere locum, si petens probabiliter petet, quod talem destructionem Magus exequetur per sua artem magicam potius, quam alio modo licito: quoniam ageret contra suam conscientiam: q. non licet, etiam si sit tantum dubia: ex antedictis suis loco in lib. 13. de eadem conscientia. Probatur vero illa ipsa doctrina, qui petere à maleficio ut licito modo signum memoratum collat, nihil aliud est quam petere ut cesser in iuste nocere proximo, quod de se bonum est, ad illudque te-
netur

182.

netur ex iustitia: & potest (ut supponimus) præstare sine peccato si velin. Quod cum ita sit, sane id ipsum potest petere ab eo. Alias vero ne absolute quidem licitum est petere, patet: quia quod nequit bene fieri, non potest bene peti ut hat. Vbi aduerte magis quia communiter nouit solum media superstitione interrogandum esse quodam cognoscat à se visitandum. siq; recusat dicere vehementer contra eum de superflitiose suspicionem esse: sin illud explicit, videndum esse an sit superstitiosum: ad quod seruent documenta tracta cap. 15. à num. 157. & cap. 16. à num. 171.

Notandum est quinto, cum Caiet. in cod. loco & Sylvestri in verbo Maleficium, quæst. 8. & Nauar. Enchirid. cap. 11. num. 29. & Alphonso à Castro lib. 1. De iusta hæret. punit. cap. 15. Couras ad cap. Quamvis paclum, de paclis in 6. par. 1. §. 1. num. 10. aliusq; communiter contra Angelum in verbo Supersticio, num. 13. Non licet maleficium etiam paratum, inducere ut vnum maleficium auferat aliud: quia non licet consentire seu cooperari peccato alterius, ad Röm. cap. 1. in fin. Id autem est inducere alterum ad peccatum: quia maleficium, constat ex supradictis, & ex cap. Non licet, 26. quæst. 5. & ex cap. Non obseruantis, in seq. quæst. 7. Nec in eo, sicut in vñra & iuramento infidelium, locum habet distinctione: quod aliud sit inducere alterum ad peccandum, & aliud ut malitia alterius peccati ad peccandum. Scindunt est enim actiones malas in duplice differentia esse: quadam enim sunt intrinsece naturæ, sua malæ, ita ut nunquam possint bene fieri: ut mentiri, fornicari, cōmittere aliquid contra Deum; atque tales nunquam licet petere ab alio. Quadam vero sunt natura sua bona, & que bene fieri possunt, sed mala sunt ratione aliquicui circumstantie malæ: potest que quis tales, que in se bonæ sunt aliquando ab alio licite petere, ut quando habet ius eas petendi. Sic ergo licet petere mutuum ab vñrario, quantumvis datum sit cum vñrura: & iuramentum ab infidei, qui iuratur est per falsos deos: quia tam dare mutuum, quam iurare, est actio de se bona. Non licet autem tollere vnum maleficium per aliud: quia maleficium est actio natura sua mala, que nunquam potest bene & fine gravi peccato fieri, cum sit vñs diabolica artis magica; adeoq; tacitam saltem, includit in sedemonis inuocationem, per quam scelus maximum contraria veram religionem committitur.

Notandum est sexto, non esse licitum aduersus maleficium petere remedium ab eo malefico qui illud non nouit. Nam ad tale genus hominum in nostris difficultibus recurrere prohibetur Luit. 20. vers. 6. & Deut. 18. vers. 10. & in iure Canonico 26. quæst. 2. cap. Qui sine Salvatore. Deinde illa petitione id peteretur, quod nequit fieri sine peccato. Nam maleficus ille nesciens vbi positum sit signum: non potest illud auferre nisi inuocet dæmonem, vel adhibeat aliud maleficium, que sunt propter illicita. Notat vero Sanchez in opere Morali lib. 2. cap. 41. num. 20. si maleficus vbi positum sit signum iam sciat: etiam per maleficium id à dæmonie diciderit, licitum est talis scientia vti ad illud tollendum. Et ratio est potest: quod instrumentum vñs, non sit eo solo nomine illicitus, quod illud fabricatum sit & datum à persona nequam, ac perdata.

Remedia diuina aduersus maleficia.

S E C T I O N . IV.

183.

DE remedii tertij generis docendum est quænam ea sint, ad quæ reliquis aliis vanis recurvere debeamus. Principia autem ex veteri Ecclesiæ Catholicae recepto vñ collecta à bonæ memorie Magistro meo P. Joan. Maldonato, cum de dæmonibus scholas haberet Parisiis: sunt hæc.

Primum legimus vñs Sacramentorum à Christo Domino institutorum. Nam ut diabolus per Sacramentorum abusum, liberam habet potestate nocendi hominibus: ita per corundem legitimum vñm habet impedire. Valens ergo aduersus maleficia baptismus & confirmatio, in eo (quandoquidem iterabilita non sunt) qui illis nondum est initiatus. Item sincera peccatorum confessio, præterim generalis totius ritus: ut Beda ostendit lib. 3. in Lucam cap. 32. exponens verba illa: Quod tibi nomen est, & ille respondit Legio. J. 1. temq; faciolancta Eucharistia ex D. Cypriano in serm. 5. de lapis, & D. August. lib. 22. de ciuit. Dei cap. 8. vbi docet Missæ

sacrificium multum prædelle aduersus dæmonis vexationes. Atque quo frequenter fuerit vñs Eucharistie debitus; eo erit praesentius remedium aduersus maleficia: ut ostenditur exemplis illis quæ referuntur à Cassiano collat. 7. cap. 30. & à Palladio in sua historia. cap. 19. vbi habet D. Macario Agyptio reuelatum esse à Deo feminam quandam ad se adducere. & am. ideo apparuuisse aliis omnibus quam, quod quinque hebdomadis abstinuisse à Eucharistia.

Secundum remedium est, donum quoddam aliquibus à Deo concessum ad expellendum dæmones, quale fuit in memor D. Macario ex Palladio ibidem: & in D. Anton. ex D. Athan. in ipsius vita. Ut enim ad alias res efficiendas, sic ad expellendum dæmones est aliquid proprium donum, quod non tantum in bonis, sed etiam in malis, duummodo habet, ant veram fidem, inueniri possit, pater per illud, quod reprobi in cap. 7. D. Matthaei referuntur dicti in die iudicij. Nomine in nomine tuo dæmonia cœcumus, &c.

Tertium remedium, est ordo exorcistarum, qui unus est ex quatuor minoribus: & quem aduersus maleficia conferre pater est, quod S. Firmilianus in epistola ad S. Cypriani, que est 75. inter duas epistolas, refert magam insigne ab exorcista quodam fuisse exorcismis curatam. Ratio autem seu forma exorcizandi habetur in Sacerdotali Romano: & apud Sprengerum in malleo maleficarum par. 2. quæst. 2. cap. 6.

Quarum remedium est inuocatio nominis Christi, quod initio nascientis Ecclesiæ fuit frequentissimum authore D. Iustinó in Tryphon: vbi hoc argumento, Iudeus probat Christum esse Deum: sicut & in apologia i. probat gentibus, ipsum non esse irridendum ut hominem, sed colendum ut Deum.

Quintum remedium est, prius oratio ex cap. 6. & 8. Tobie, & ex cap. Non licet, 26. quæst. 5. & ex cap. Non obseruetis, in seq. quæst. 7. vbi admoneatur aduersus maleficia vti recitatione Symboli & orationis Dominicae. Nec immerito, cū melior oranda forma esse nō possit quam hac à Christo prescripta: & illud cōtineat totam nostram fidem, quæ scitur est in quo possumus omnia tela nequissimi ignea extingue-re, ex D. Paulo in cap. 6. epist. ad Eph. vers. 16.

Sextum remedium est ieiunium, iuxta illud Matth. 17. & Marc. 9. Hoc genus dæmoniorum non cicitur nisi in oratione & ieiunio. Quæ verba sic accipienda sunt, ut sensus sit, ieiunium quidem & orationem valere ad omnia Domoniorum genera cicienda: sed illud genus, id est, lunaticum, non expelli nisi in oratione & ieiunio, eo quod forte tale genus, sit eorum dæmoniorum quæ ad ingluviem incitant (qualia daria liqua patet ex Palladio in vita Macarij cap. 19. & 20.) & consenteaneum sit, contraria oppositis contrariis curari.

Septimum remedium est signum crucis, quo contra idolatriam & maleficia non esse praesentius remedium ait D. Athan. in lib. De incarnatione Verbi, tomo 1. Quod confirmatur per historiam Iuliani Apostolæ, dæmonibus sacrificatur, quam refert D. Nazianen in orat. i. contra ipsum. Certè, ut à D. Chrysostom. jo. in Matthæum dictum est: dæmon terret signo crucis, sicut latro aspectu patibuli. Rationes bonas huius remedijs quas habet Leonardus Lessius, qui volet videtur apud ipsum, de iust. & iure libro 2. cap. 4. num. 33.

Octauum remedium, sunt reliquia Sanctorum, quas aduersus dæmones magnam vim habere constat. Nam D. Nazianen in orat. de Cypriano, asserit dæmones suo tempore pulsos apud sepulchrum D. Cypriani: & D. Ambrosi. 77. & 91. dicit ad reliquias Sanctorum Gerusaj & Protasij auditos esse rugitus dæmonum. Caendum est autem, ne ad reliquias superstitiosum aliquid addatur, ut recte monet Syl. in verbo Reliquæ quæst. ultima.

Nonum remedium est aqua benedicta: de qua D. Clemens in constitutionib. Apostolorum lib. 8. cap. 29. & Alexander primus relatus De consecrat. distinet. 3. cap. Aquam sale. Cuius remedijs multa exempla habentur. Illud attigit sufficiet ex Theodoreto in lib. 5. Ecclesiast. histor. cap. 21. de Marcello, qui aqua fugavit dæmonem impeditentem incendium cuiusdam templi. Ad idem remedium, facere aqua baptisma-lem quæ consecratur in vigilia Pascha, & Pentecostes, deduci potest ex cap. In Sabbatho De consecr. distinet. 4.

Decimum remedium est oleum consecratum pro infirmis: cuius vsus in primitiva Ecclesia, patet ex cap. 6. D. Marci verf. 13. & 15. & ex constitutionibus Apostolorum loco cit. Exemplum habetur ex Beda de oleo & sale lib. 3. in Lucam cap. 32. De sanctimoniali femina, sale & oleo benedicto curata ab viceribus quæ dæmonista tu contraxerat. Ad quod remedij genus reduci poslunt Agnus Dei, & cerei benedicti, & similia.

Vndecimum est praesentia & specialis virtus quorundam Sanctorum adhuc viventium. Sic enim Palladius ait in vita Macarij, quod ipso ingredienti in desertum dæmones semper retrocedebant. Et in vita Pauli si implicis notat, simplicitati ipsius esse tributam expulsionem dæmonis, quem magis Antonius expellere non poterat.

Duodecimum remedium, est principium Euangeli D. Ioani descriptum & collo appensum, ad protestandam contra dæmones nostram fidem de Trinitate & Incarnatione: quæ in eod initio tota continetur. Quæ in re, sicut & in recitatione Symboli assumi se utrum fiduci aduersus tela nequissimi, per eum existimat. Vt statim in autem fusilli in veteri Ecclesia, vt dictum initium Euangeli D. Ioannis in membra de scriptum Christiani appendenter collo, authores sunt D. Hieron. ad verba Domini Matth. 23. Dilatant phila-
cteria sua: & D. Chrysostom. homil. 73. in Matth. Licitum vero esse tale remedium, ac etiam alterius similes scripti pijo collo appensi, docet D. Thom. 2.2. quæst. 96. art. 4. dummodo tamen duæ adhuc conditiones: prior est, vt nihil superstitionis adtingatur nisi verbis. Id quod deprehendi poterit per ea quæ in cap. 15. à num. 157. ante dicta de modis cognoscendi pa-
ctum occulatum cum dæmonie. Posterior conditio est, vt re-
cta sit intentio illius qui talia gerit; nempe vt ea non feratur ad chartam vel literas, aut syllabas seu scripturam, sed ad piu
verborum sensum, & principaliter ad potestatem Dei, cuius diuina voluntatis ille debet totum effectum committere; nec certum aliquid sibi polliceri.

Cæterum cur non omnes sanentur per hæc remedia; duas cauæ esse possunt: altera est peccatum vel maleficium, vel illius qui eum curat: præfertim si aliqui superstitionis remedium ipsi adiungat: altera est maius bonum illius qui patitur maleficium. Nam temporalis afflictio sepe hominem præseruat à peccatis, vel purgat præterita peccata, vel præbet aliis exemplum patientia, & patientis meritum auget; quod est tantum bonum, vt longe præstantius sit & melius cum patientia tolerare aduersa, quam omnino non pati: quod Gentiles quoque intellecti se notat D. August. in 22. De ci-
uit. Dei, cap. 22. Vbi tangit quoque aliam rationem, ne si per miracula homines semper liberarentur à malis temporalibus, quereret Christianam religionem propter eadem tem-
poralia, non propter eterna bona.

CAPUT XVIII.

De vanâ obseruatione.

S V M M A R I V M.

185 Vanâ obseruatione unde nomen habeat, & quid sit:

186 Quadruplex vanâ obseruatione.

187 Quale peccatum sit.

188 Cur vitanda vanâ obseruatione.

189 Quomodo ad vanam obseruationem pertinet collectio her-
barum, aut lignorum certo die vel hora.

190 Quando strenue ad vanam obseruationem pertineant.

SUPEREST ultima species magia, hoc est, vanâ obser-
uatione, de qua D. Thom. 2.2. quæst. 96. Dicemus autem 1. quid sit, 2. quotuplex sit, 3. quale peccatum sit, postremo quomodo dignosci possit. Quod attinet ad primum, vana obseruatione (quæ sic dicta est, ex eo quod effectus qui per eam promittitur, ut plurimum non sequatur in detrimentum animæ) definiri potest superstitione, qua speraturali quod comodum ex re, quæ illud naturaliter præstare non posse. Vbi adverte quod ut diuinatio, de qua ante dictum est, aduersatur diuino honori, eo quod per illam indebito modo procuretur cognitio quæ est Dei propria: ita etiam vanam obseruationem aduersari eidem: quia per illam in debito etiam modo, medius minirum inutilibus, procurem-

tur commoditates, quæ non adhibitis utilibus mediis ordinaris, à diuina tantum potentia & prouidentia sint exspectanda.

Quod attinet ad secundum; quadruplex distingui posse videtur vana obseruatione: vt prima sit, quando commodum expectatur in rebus externis, videlicet in animalibus, sceleribus, vineis, &c. Secunda vero quando expectatur bonum corporis: vt sanitas, liberatio ab hostiis, non posse vulnerari, vel interfici, defendi ab igne vel ab aqua. Tertia autem, quando expectatur bonum animæ naturale, vt ars aliqua vel scientia: talisq; fuit ea obseruatione, quæ à D. Thoma in cit. quæst. 96. art. 1. damnatur, artis notoria: quia nonnulli ex quibusdam ieiuniis & orationibus superstitionis expectabant scientia adceptionem sine humano labore. Quarta deniq; quando expectant bona supernaturalia: vt certa remissio peccatorum omnium, certa salus, visio Christi vel diuina Virginis in articulo mortis; per certas quædam orationes; aut per incertas quædam indulgentias, de quibus nulla habetur diuina promissio. Quo referri potest gemitatio reliquiarum aut initij Euangeli D. Ioannis (aliquo licita ex D. Thoma in scr. art. 4.) si ei adiuncte sint circumstantiae aliquæ superstitionis, de quibus timeatur racium pactum cum diabolo.

Quod attinet ad tertium, vanam obseruationem, si contineat pactum exprimere cum dæmonie; dubium non est peccatum mortale esse: sicut habet solitummodo tacitum, peccatum est solum veniale in eo qui tale quid in suo facto contingere ignorat. Qui tamen de veritate admonitus à discreto viro, adhuc perleuerat in eo, mortaliter peccat, vt Syl. in verbo Superstitio, quæst. 10. in fine, habet ex Archid. Et ratio docet: quia eo ipso vulnus expresse commercium cum dæmonie inire.

Quod attinet ad ultimum: vanâ obseruationem in qua ineft expressum pactum cum dæmonie, ex se facile dignoscitur: ea vero in qua inest tantummodo occultum, deprehenditur in modis quæ in cap. 1. & à num. 157. supra politi sunt.

Atque vt illam, sic & hanc, omni studio vitandam esse ostendendum est penitenti per illud quod à toto genere, vanæ obseruationes multum nocent: dum enim quis nimium confidit talibus nugis, eo adducitur vt se libertus periculo mortis exponat; Sacramentorum vnu contemnat, aut in longius tempus differat: eo quod existimet se sine Sacramentis & extra Dei gratiam mori non posse & sic de similib; per quæ illi pernicie diabolus imponit. Cæterum multa vanarum obseruationum exempla leguntur apud Gratianum, præferim 26. quæst. 2. cap. Illud, & quæst. 5. cap. Non licet & seqq. vñque ad finem eiusdem questionis.

Aliquot satis frequenter commemorat Nauarrus in Enchir. cap. 11. num. 35. & tribus sequentib; & ex recentioribus Sanchez in operi moralib; 2. cap. 40. num. 27. & aliquot sequentib;. Sed adiuste circa illud quod in cit. cap. Non licet, quæst. 5. & in cap. Non obseruetis, quæst. 7. videntur damnari illi, qui certis temporibus colligunt herbas, vel cedunt ligna pro ædificiis: intelligendum est, quemadmodum ex Archidaco adhuc in cit. quæst. 10. Sylvestr. quando id fit ex superstitione: vt confetur fieri, quando obseruator unus tantum dies vel unica hora; vt vigilia S. Ioannis ante solis ortum, vel adiuntur circumstantiae inutiles, & orationes non approbatæ. Non autem quando obseruatione fuerit naturalis ex motu celorum: ratione cuius vno tempore herbe collectæ, meliores sunt ad medicinam, & ligna casæ vtiliora ad ædificationem.

Circa illud etiam quod in cit. cap. Non obseruetis, videntur damnari illi qui strenæ dant in principio anni: notandum est Christianos ita abhoruisse a more Gentilium, quo magna celebritate in honorem Iani primum diem anni celebrabant, vt ipso die ipsi ieiunare solerent, vt habetur ex D. Ambro. in serm. 17. & ex Conc. 4. Toletano Can. 10. Atque illis qui reliquo ieiunio Ecclesiastico, festum cum Gentilibus celebrarent, excommunicatio imponeretur ipso facto incurrenda: quia habetur in cit. quæst. 7. cap. Si quis Calendas. Ac cum Gentiles tunc strenæ dare quoque solerent, talis etiam vñus tanquam diabolicus est in Ecclesia prohibitus, vt patet ex Can. 1. Concilij Altissiodorensis. Vnde non est dubium, quin si iam daretur more Gentili superstitio, id est, tanquam certum augurium, peccatum esset graue, aut diabo-

licæ

186;

187;

188;

189.

190.